

有关校园史迹的诗词选萃

(28首)

(一) 大唐兴庆宫勤政务本楼和花萼相辉楼广场

(该广场建于公元726——732年，面积约二十余万平方米，位于勤政务本楼遗址正南方、我校园西北一带，即老行政楼以西地域。)

[唐]李隆基

今年通闰月，入夏展春晖。
楼上风花媚，城隅赏宴归。

[唐]张说

花萼楼前雨露新，长安城里太平人。
龙衔火树千灯艳，鸡踏莲花万岁春。

[唐]张祜《千秋乐》

八月平时花萼楼，万方同乐奏千秋。
倾城人看长杆出，一伎初成妙解愁。

[唐]王涯《九月九日勤政楼下观百僚献寿》

御气黄花节，临轩紫陌头。早阳生彩仗，霁色入仙楼。
献寿皆鸳鹭，瞻天尽冕旒。菊樽过九日，凤历肇千秋。
乐奏薰风起，盃酣瑞影收。年年歌舞度，此地庆皇休。

[唐]刘宴

楼前百戏竞争新，唯有长轩妙入神。
谁得绮罗翻有力，犹自嫌轻更著人。

[唐]无名氏《宫词》

花萼楼前春正浓，蒙蒙柳絮舞晴空。
金钱掷罢娇无力，笑倚栏杆屈曲中。

[唐]杜甫《观公孙大娘弟子舞剑器行》

昔有佳人公孙氏，一舞剑器动四方。
观者如山色沮丧，天地为之久低昂。

[唐]白居易《勤政楼西老柳》

半朽临风树，多情立马人。
开元一株柳，长庆二年春。

[唐]杜牧《过勤政楼》

千秋佳节空名在，承露丝囊世已无。
唯有紫苔偏称意，年年因雨上金铺。

[明]洪贯《唐宫词》

花萼楼连务本楼，五王文采尽风流。
不知疑碧池头宴，落尽官槐一树秋。

(二) 长安城之唐夹城

(建于公元726——732年，从我校交大商场街穿行而过。)

[唐]杜甫《秋兴》

花萼夹城通御气，芙蓉小苑入边愁。

.....

[唐]杜甫《乐游园歌》

青春波浪芙蓉园，白日雷霆夹城仗。

……

[唐]杜牧《长安杂题》

南苑芳草眠锦雉，夹城云暖下霓旌。……
六飞南幸芙蓉园，十里飘香入夹城。

(三) 长安城之常乐坊(里)

(隋、唐长安城一坊名，称“坊”或“坊”、“里”并称，位于今校园本部南部地区及沙坡村一带)

[唐]白居易《常乐里闲居偶题十六韵》

帝都名利场，鸡鸣无安居。
独有懒慢者，日高头未梳。
工拙性不同，进退迹遂殊。
幸逢太平代，天子好文儒。
小才难大用，典校在秘书。
三旬两入省，因得养顽疏。
茅屋四五间，一马二仆夫。
俸钱万六千，月给亦有余。
既无衣食牵，亦少人事拘。
遂使少年心，日日常晏如。
勿言无知己，躁静各有徒。
兰台七八人，出处与之俱。
旬时阻谈笑，旦夕望轩车。
谁能讎校间，解带卧吾庐。
窗前有竹玩，门外有酒沽。
何以待君子？数竿对一壶。

(四) 常乐坊之赵景公寺

(原位长安城常乐坊之西南隅，即今西安交通大学宪梓堂一带。)

[唐]段成式《游长安诸寺·常乐坊赵景公寺·吴画联句》

惨澹十堵内，吴生纵狂迹。
风云将逼人，神鬼如脱壁。

(五) 常乐坊之虾蟆陵(下马陵)

(位长安城常乐坊十字大街之东面，今西安交大本部校医院南侧。)

[唐]谢良辅《忆长安》

忆长安，腊月时，温泉彩仗新移。
瑞气遥迎风辇，日光先暖龙池。
取酒虾蟆陵下，家家守岁传卮。

[唐]皎然《长安少年行》

翠楼春酒虾蟆陵，长安少年皆共矜。
纷纷半醉绿槐道，蹀躞花骢骄不胜。

[唐]白居易《琵琶行》(节选)

自言本是京城女，家在虾蟆陵下住。……
同是天涯沦落人，相逢何必曾相识。……

[明]唐寅《函关雪霁》

函关雪霁旅人稠，轻载驴骡重载牛。
科斗店前山积铁，虾蟆陵下酒倾酒。

[清]葛紫中《南乡子》

上元夜，长安路，虾蟆陵下可曾住？

[民国]弘一大师《赠语心楼主人》

天末斜阳淡不红，虾蟆陵下几秋风？

[今]启功《题琵琶亭楹联》

红袖夜船孤，虾蟆陵边，往事悲欢商妇泪；

青山秋浦别，琵琶筵上，一时帐触谪臣心。

(六) 兴庆池南之胭脂坡

(位今西安交通大学本部校医院至宪梓堂一带)

[唐]李长源

薄游却忆开元日，常逐春风醉两坡。

[宋]苏轼《百步洪》

不学长安闾里侠，貂裘夜走胭脂坡。……

[元]商左山

少陵野老吞声哭，不到胭脂翡翠坡。

(七) 有关西校区大雁塔、慈恩寺之诗词选：(此地距财经东校区仅 350 米)

[唐]章八元《题慈恩寺塔》

十层突兀在虚空，四十门开面面风。

却怪鸟飞平地上，自惊人语半天中。

回梯暗踏如穿洞，绝顶初攀似出笼。

落日凤城佳气合，满城春树雨蒙蒙。

[唐]岑参《与高适薛据同登慈恩寺浮图》

塔势如涌出，孤高耸天宫。

登临出世界，磴道盘虚空。

突兀压神州，峥嵘如鬼工。

四角碍白日，七层摩苍穹。

下窥指高鸟，俯听闻惊风。

连山若波涛，奔走似朝东。

青松夹驰道，宫观何玲珑。

秋色从西来，苍然满关中。

五陵北原上，万古青蒙蒙。……

[唐]杜甫《同诸公登慈恩寺塔》

高标跨苍穹，烈风无时休。

自非旷士怀，登兹翻百忧。

方知象教力，足可追冥搜。

仰穿龙蛇窟，始出枝撑幽。

七星在北户，河汉声西流。……

西安交大校园历史研究与开发课题组

孙民柱辑

二〇〇七年十一月十五日